

आकाशवाणी

Evening Dogri (NSD) Bulletin 16-01-2025

1. सरकार नै केन्द्रीय कर्मचारिएं ते पेंशनरें आस्तै 8में वेतन आयोग दे गठन दी घोषणा कीती।
2. भारत नै स्पेडैक्स मिशन तैहत डॉकिंग दी प्रक्रिया पूरी करी लैती। इआं करने आला भारत चौथ मुल्ख।
3. केन्द्रीय मंत्री मनसुख मांडविया होरें बजार दिएं जरूरतें गी पूरा करने लेई युवाएं गी खास तौर पर हुनरमंद बनाने ते दनेंगी महारत हासल करोआने पर जोर पाया।
4. इंडोनेशिया दे राष्ट्रपति होर इस ब'रे गणतंत्र दिवस दे मौके पर मुख्ख रौहने होंगन।
5. राष्ट्रपति द्रौपदी मुर्मू होर कल राष्ट्रपति भवन च राष्ट्रीय खेड्ड पुरस्कार भेंट करगन।

<><><><><><>

Ashwani Vaishnav

सरकार नै अज्ज केंद्रोय कर्मचारियों ते पेंशनरें आस्तै 8में वेतन आयोग दे गठन दी घोषणा कीती। केंद्रीय सूचना ते प्रसारण मंत्री अश्विनी वैष्णव होरे आखेआ जे 7में वेतन आयोग दा कार्यकाल 2026 च समाप्त होने आहला ऐ ते हुन 8में वेतन आयोग दे गठन कन्नै वेतन पैनल दी सिफारिशें गी हासिल करने आस्तै लोडचदा समय मिलोग। उने आखेआ जे आयोग दे अध्यक्ष ते दो सदस्यें दी नियुक्ति तौले गै कीती जाग। श्री वैष्णव होरें आखेआ जे चेयरमैन ते दो सदस्यीं गी नियुक्ति होग। इस होर फसले तैहत सरकार नै सतिश घवन अंतरिक्ष केन्द्र च इक होर लांच पेड कायम करने दी मंजूरी दिती ऐ।

<><><><><><>

ISRO Spadex

भारती अंतरिक्ष अनुसंधान संगठन-इसरो नै अपने स्पेडैक्स मिशन तैहत अंतरिक्ष यानें दी डॉकिंग दी प्रक्रिया अज्ज मुकम्मल करी लैती ऐ। राष्ट्रपति द्रौपदी मुर्मू ते प्रधानमंत्री नरेन्द्र मोदी होरें एहदे पर इसरो दे साइंसदानें ते कन्नै इसरो च कम्म करने आहले सभनें सदस्यें गी उपग्रहें दे अंतरिक्ष च सुरक्षित डॉकिंग च कामयाबी लेई ममारकबाद दिती ऐ। राष्ट्रपति द्रौपदी मुर्मू होरें इस ऐतिहासिक कामयाबी पर इसरो दे वैज्ञानिकें दी सराहना करदे होई उनें गी भविक्ख लेई शुभकामनां दितियां न। सोशल मीडिया पर इक पोस्ट राहें राष्ट्रपति होरें आखेआ ऐ जे इस ऐतिहासिक उपलब्धि दे कन्नै, अंतरिक्ष डॉकिंग समर्थ दा कामयाबी कन्नै प्रदर्शन करने आहला भारत इस दुनिया दा चौथा मुख्ख बनी गेआ ऐ। इस उपलब्धि दी सराहना करदे होई प्रधानमंत्री नरेन्द्र मोदी होरें इक सोशल मीडिया पोस्ट च आखेआ ऐ जे भारत दे भविक्ख लेई अंतरिक्ष कार्जक्रमें च एह उपलब्धि इक मील दा पत्थर साबत होग। तोआई, विज्ञान ते टेक्नॉलॉजी मंत्री डॉ. जतिंद्र सिंह होरें इस उपलब्धि पर खुशी प्रगट करदे होई आखेआ ऐ जे स्हाड़े साइंसदानें ओह करी दस्सेआ ऐ जेहदा कुसै नै सोचे दा बी नेई हा। उनें आखेआ जे अंतरिक्ष च उपग्रहें दी डॉकिंग आहला एह पूरा सरिस्ता पूरी चाल्ली भारती ऐ जेहड़ा अंतरिक्ष खेत्तर च भारत दिएं नित नमिएं उपलब्धिएं च इक महत्वपूर्ण थाहर रखदा ऐ। उनें आखेआ जे इस उपलब्धि नै स्हाड़े भविक्ख दे अंतरिक्ष मिशनें जिं दे च भारती अंतरिक्ष स्टेशन, चंद्रयान-4 ते गगनयान बी शामिल न, लेई बवस्था ते रमानदारी आहले ढंग्गै सिर तोड़ चढ़ने दी बत्त पदरी करी दिती ऐ।

<><><><><><>

PM-Startup

सरकार दी मती तरजीह आहली पहल स्टार्टअप इंडिया गी अज्ज 9 बरें पूरे होई गे न। इस मौके पर प्रधानमंत्री नरेन्द्र मोदी होरें आखेआ ऐ जे सरकारै देसै च स्टार्टअप संस्कृति गी बढ़ावा देने आस्तै कोई कसर बाकी नेई छोड़ी ऐ। सोशल मीडियो पर इक पोस्ट राएं श्री मोदी होरें आखेआ ऐ जे पिछले 9 बरें दरान इस शानदार पैहलकदमी नै अनगिनत नौजवानें गी सशक्त बनाया ऐ ते उंदे नमें बचारें गी कामयाब स्टार्टअप्स च तब्दील कीता ऐ। प्रधानमंत्री होरें आखेआ जे सरकार दियां नीतियां बपार-कारोबार दे तौर-तरीकें गी सखल्ला बनाने पर केन्द्रित न। उनें आखेआ जे उंदी सरकार नमिएं काहडें ते इनक्यूबेशन सरबन्धी केन्द्रें गी बड़ी सक्रियता कन्ने बढ़ावा देआ करदी ऐ तां जे देसै दे नौजवानें अंदर जोखिम चुक्कने ते किश नमां करने दी प्रवृत्ति पेदा कीती जाई सकै। श्री मोदी होरें आखेआ जे स्टार्टअप इंडिया प्रोग्राम दी कामयाबी एह दर्शादी ऐ जे अज्ज साढा मुख्य विश्वास कन्ने भरोचे दा ते भविक्ख लेई तैआर ऐ। श्री मोदी होरें हर इक नौजवान गी गुजारश कीती ऐ जे ओह अपना इक स्टार्टअप विकसित करै।

<><><><><><>

President Singapur

राष्ट्रपति द्रौपदी मुर्मु होरें अज्ज राष्ट्रपति भवन च सिंगापुर दे राष्ट्रपति थर्मन शण-मुग-रत्नम हुन्दा औपचारिक तौर पर सोआगत कीता। इस मौके पर प्रधानमंत्री नरेन्द्र मोदी होर बी मौजूद हे। मीडिया गी सम्बोधित करदे होई सिंगापुर दे राष्ट्रसपति थर्मन शणमुगरत्नेम होरें आखेआ जे भारत ते सिंगापुर डिजिटल क्षेत्र च नमी संभावनाएं दी तपाश करा र दे न। उने आखेआ जे पिछले बरे सितंबर महीने च प्रधानमंत्री मोदी हुन्दी सिंगापुर यात्रा दौरान घोषित इक व्यानपक रणनीतिक साझेदारी आस्तै सरबन्धे गी मजबूत करने दे कन्नो कन्नी, सिंगापुर भारत कन्ने हुन नमी संभावनाएं गी तलाशा र दा ऐ। दोनें देश व्यापक रणनीतिक साझेदारी, सेमीकंडक्टर च सहयोग, विनिर्माण ते औद्योगिक पार्क ते नमे उद्योगें च कौशल जनेई नमी पैहलें दी संभावनाएं दा पता ला र दे न। राष्ट्रपति थर्मन होरें आखेआ जे व्यवसाय, रक्षा ते कौशल च दोनें देशों दे सरबन्ध केई बरे सोयां सक्रिय रए न। उने दस्सेआ जे भारत 1965 च सिंगापुर दी स्वतंत्रता गी मान्यता देने आहले पैहले किश देशों चा इक हा। तदू था दोनें मुख्यें बश्कार सरबन्ध मजबूत होए न। श्री शणमुगरत्नबम होरें महात्माश गांधी होरें गी श्रद्धांजलि भेंट करने आस्तै राजघाट बी गए। राष्ट्र पति थर्मन होरें आखेआ जे व्यवसाय, रक्षा ते कौशल च दोनें देश दे सरबन्ध केई बरे सोयां सक्रिय रए न। उने दस्सेआ जे भारत 1965 च सिंगापुर दी आजादी गी मान्यता देने आहले पैहले किश मुख्यें दा इक हा। तदू था लेईए दोनें मुख्यें बश्कार सरबन्ध मजबूत होए न।

<><><><><><>

Mandviya

श्रम ते रोजगार मंत्री डॉक्टर मनसुख मांडविया होरें आखेआ ऐ जे हुनर ते मानकें गी परस्पर मान्यता जनेई पैहलें राएं भारत च वैश्विक श्रमशक्ति दी कमी दूर करने दी क्षमता ऐ। नमी दिल्लीत च रोजगार दे भविक्ख पर सम्मेलन च मांडविया होरें इस गल्ला पर जोर पाया जे कौशल प्रदान करना प्रमाणपत्रें तकर सीमित नेई होना चाईदा। उने आखेआ जे उद्योग ते स्वपरोजगार क्षेत्रें दी गतिशील मांग पूरी करने आस्तै व्य वहारिक विशेषज्ञता आहले व्यक्तिये पर ध्यान दिता जाना चाईदा। उने आखेआ जे उद्योग ते शिक्षा जगत कन्ने मजबूत संबन्ध भारत दी खास जरूरतें दे मूजब कौशल मॉडल विकसित कीते जाई सकदे न।

<><><><><><>

RD

इंडोनेशिया दे राष्ट्रपति प्रबोवो सुबियांटो इस बरे 76में गणतंत्र दिवस समारोह च मुख्य परोहने होङन। प्रधानमंत्री नरेंद्र मोदी हुन्दे सादे पर राष्ट्रपति सुबियांटो 25 ते 26 जनवरी गी भारत दी राजकीय यात्रा पर ओङन। विदेश मंत्रालय मूजब अक्टूबर 2024 च अपने ओहदे दा कम्म काज साभने मगरा राष्ट्रपति प्रबोवो हुन्दी एह पैहली भारत यात्रा होग। एह यात्रा दोनें देशे दे दपक्खी सरबंधे दी व्यापक समीक्षा करने दे कन्नो कन्नी आपसी हिते दे क्षेत्रीय ते वैश्विक मुहे पर चर्चा करने दा मौका प्रदान करोग। भारत ते इंडोनेशिया बश्कार खरे ते दोस्ताना सरबंध न। इक व्यापक रणनीतिक साझेदार दे तौर पर इंडोनेशिया भारत दी एकट ईस्ट नीति ते हिंद-प्रशांत क्षेत्र च इक महत्वपूर्ण थम्म ऐ।

<><><><><><>

RD Prade Review

सिविल ते पुलस प्रशासन दे सीनियर अधिकारिये जम्मू दे मोलाना आजाद स्टेडियम च चला करदी गणतंत्र दिवस दी तैयारिये दा निरीक्षण कीता। जम्मू दे डिविजनल कमिशनर रमेश कुमार ते ते ए.डी. जी.पी आनन्द जैन होरे बक्ख-बक्ख मैहकमे आसेआ कीते गेदे प्रबंधे दा जायजा लैता जेदे च सुरक्षा बंदोबस्त, ट्रैफिक प्रबंधन, लोके दे बौहे लेई इंतजाम, साज-सजावट, साफ-सफाई, बिजली ते पानी दी बवस्था, गड्डियां खडेरने लेई थाह, औने आहले लोके दी जांच ते अगग लग्गने जां कुसै होर माड़ी घटना दी सूरते च कीती जाने आहली तैयारियां शामिल ही। सरबंधित अधिकारिए गणतंत्र दिवस समारोह दी रिहर्सल जम्मू दे मोलाना आजाद स्टेडियम च चला करदी ऐ जेदे च थेआरबंद बल, स्कूली बच्चे बैड दस्ते ते सांस्कृतिक कार्यक्रमे आहिलियां टोलियां हिस्सा लै करदियां न।

<><><><><><>

IAF

भारतीय वायू सेना इस बरे 26 जनवरी गी गणतंत्र दिवस परेड च इक शानदार हवाई प्रदर्शन करने आस्तै पूरी चाल्ली तैआर ऐ। भारतीय वायू सेना दे मूजब कुल 40 जहाज कर्तव्य पथ पर फलाई पास्ट करगंन जेहदे च बक्ख-बक्ख संरचनाए च स्टीकता ते कौशल दा प्रदर्शन कीता जाग। इस करी भारतीय वायू सेना दे शस्त्रागार च भारत दे बेहतरनी लड़ाकू जहाज ते मशीनें जियां मिग-29, राफेल, सरवोई, जगुगार, आपचे, सी-130, सी-295 ते सी-17 फलाई पास्ट करगंन। इस फलाई पास्ट च ध्वज, बाज, अजय, सतलुज, अर्जुन, नेत्र, भीम जनेह संरचानए गी बरीकी कन्ने दस्सेआ जाग।

<><><><><><>

Rajnath Britain

रक्षा मंत्री राजनाथ सिंह होरे अज्ज ब्रिटेन दे रक्षामंत्री जॉन हीली हुन्दे कन्ने टेलीफोन पर गल्लबात कीती। दोनें मंत्रिये रक्षा सहयोग पर चर्चा कीती ते दपक्खी सरबंधे च गति बनाए रखने दी जरूरता पर जोर पाया। उने इलेक्ट्रिक प्रोपल्शन ते जेट इंजन जनेह विशिष्ट रक्षा प्रौद्योगिकी क्षेत्रे च दोनें देशे बश्कार होई दी प्रगति दी समीक्षा कीती। हिंद प्रशांत क्षेत्र च ब्रिटेन दे बददे फोकस कन्ने दोनें देशे 2025 च सांझे तौर पर पैहलकदमियां करने ते बदी दी समुद्री हिस्सेदारी दे सहयोग पर चर्चा कीती।

<><><><><><>

Chandean SC Court

जस्टिस के.विनोद चन्द्रन होरें अज्ज सुप्रीम कोर्ट दे न्यायधीश दे तौर पर सगंध लैती। भारत दे मुख् न्यायधीश संजीव खन्ना होरें जस्टिस चन्द्रन होरें गी औहदे दी सगंध दोआई। कोर्ट दे कॉलेजियम दी सिफारश पर पटना हाई कोर्ट दे चीफ जस्टिस चन्द्रन हुंदी नियुक्ति गी मंजूरी दित्ती ही।

<><><><><><>

PM Mann Ki Baat

प्रधानमंत्री नरेंद्र मोदी होर अपने माहवार रेडियो कार्यक्रम 'मन की बात' दे राएं इस बारी 19 जनवरी गी अपने विचार, देश-विदेश च रौहने आहले श्रोताएं कन्नै सांझे करखन। उ'आं ते एह प्रोग्राम म्हीने दे अखीरले ऐतवार दिने 11 बजे प्रसारित होंदा ऐ पर ऐकती खीरी ऐतवार 26 जनवरी होने करी, एहदा प्रसारण इक हफ्ता पैहले कीता जा'रदा ऐ। एह इस कार्यक्रम दी 118मीं किशत होग। इस कार्यक्रम च शामिल कराने लेई लोक अपने सुझाऽ 17 जनवरी तगर भेजी सकदे न। श्रोता अपने सुझाऽ टोल फ्री नंबर 1800-11-7800 पर जां फही नरेंद्र मोदी ऐप जां माई गोव ओपन फोरम पर बी भेजी सकदे न।

<><><><><><>

Katra Reasi Rail Track

रेलवे सुरक्षा कमीशनर दिनेश चंद देशवाल होरें उधमपुर श्रीनगर बारामुला रेल लिंक परियोजना दे नमें बनाए गेदे 17 किलोमीटर लम्मे कटरा रियासी रेलवे ट्रैक गी माल समेयान ढोने ते यात्रिएं दी आओजाई लेई खोलने दी मंजूरी देई दित्ती ऐ। आकाशवाणी दे जम्मू संवाददाता दी रिपोर्ट मूजब कटरा ते रियासी स्टेशनें बश्कार माल समेयान दी ढुहाई ते यात्रिएं दी आओजाई शुरू करने लेई सैली झंडी दे बाद मेद ऐ जे तोले गै कश्मीर गी रेल राएं कनयाकुमारी कन्नै जोड़ने दा सुखना हकीकत बनी जाग।

<><><><><><>

President Awards

राष्ट्रपति द्रौपदी मुर्मू होर राष्ट्रपति भवन च कल राष्ट्रीय खेड्ड पुरस्कार भेंट करगन। विश्व शतरंज चैंपियन डी. गुकेश पैरिस ओलंपिक च दो पदक जित्तने आली मनु भाकर, भारतीय हाम्की टीम दे कप्तान हरमनप्रीत सिंह ते पैरिस पैरा ओलंपिक च सुन्ने दा तगमा जित्तने आले प्रवीन कुमार होरें गमेजर ध्यान चंद खेल रत्न कन्नै सम्मानत कीता जाग। एह पुरस्कार पिछले 4 ब'रे खडारी आस्सेआ खेड दे क्षेत्र च शानदार ते सब्बने थमां बेहतर प्रदर्शन करने आस्तै दित्ता जंदा ऐ। 32 खडारिएं गी अर्जुन पुरस्कार दित्ते जांगन। इंदे च एथलीट ज्योति याराजी ते अन्नू रालह, मुक्केबाज नीतू ते स्वीटी, शतरंज खडारी सलीम टेअे, अभिषेक संजय, जरमन प्रीत सिंह ते सुखजीत सिंह शामिल न। पैरा शूटिंग कोच दिपाली देशपांडे, हाम्की कोच एस.मुरलीधरन ते फुटबाल कोच अरमोडो कोलाकरे होरें गी द्रौणा चार्य पुरस्कार भेंट कीता जाग।

<><><><><><>

Kho Kho

खो खो विश्व कप च भारत दी मर्दे ते महिला टीम नै क्वार्टर फाइनल च प्रवेश करी लैता ऐ। खो खो विश्व कप दे इक मकाबले च अज्ज भारतीय महिला टीम दा मकाबला मलेशिया कन्ने इंदिरा गांधी इंडोर स्टेडियम च होग। एह्दे मगरा भारतीय खो खो मर्दे दी टीम दा सामना रातीं थमां 8 बजे भूटान कन्ने होग। भारतीय मर्दे दी खो खो टीम नै कल होए दे ग्रुप स्टेज मकाबले च पेरु गी हराया हा।

<><><><><><>

Gaza Ceasifire

भारत नै गजा च बंधके गी रिहाई ते संघर्ष विराम दे समझौते दी घोषणा दा सुआगत कीता ऐ। विदेश मंत्रालय नै इक ब्याने च आखेआ ऐ जे एह समझौता गजा दे लोके आस्तै मानवीय सहायता दी सुरक्षत ते सतत आपूर्ति गी बढ़ावा देग। मंत्रालय नै आखेआ ऐ जे भारत नै सारे बंधके दी रिहाई, संघर्ष विराम ते संवाद दे मार्ग दा आह्वान कीता ऐ।

<><><><><><>

Rajouri Mysterious Deaths

सरकार राजौरी जिले दी बुद्धल तैहसील दे बडहाल ग्रां च होई दी रहस्यमयी मौते दी जांच करै करदी ऐ जित्थे अजे तोड़ी 15 लोके अपनी जान मुहाई दित्ती दी ऐ। आकाशवाणी जम्मू दे संवाददाता दी रिपोर्ट मूजब पुलसै पिच्छले इक म्हीने दरान त्रऊं परोआरे दे 11 बचचे समेत कुल 15 लोके दी रहस्यमयी मौते दी जांच लेई विशेष जांच टीम शनि एसआईटी खडेरी ऐ। एहदी अगुवाई बुद्धल दे एसपी ओपरेशन होर करै करदे न ते उनेंगी ऐकड़ी संवेदनशील जांच गी जोड़ चाढ़ने दा जिम्मा सौंपेआ गोआ ऐ। राजौरी दे एसएसपी गौरव सिकरवार हुंदे हुकमै पर एह एसआईटी खडेरी गई ऐ। एहदे अलावा फारेसिक मैडिसीन ते बिसली चीजे सरबंधी टैक्सीकोलोजी, माइक्रोबायोलोजी, बच्चे सरबंधी माहिरें यानि पोडिएटिक्स ते बमारिएं दी वजह ते प्रभाव सरबंधी जांच आहले विभाग पैथोलोजी थमां माहिरें गी इस जांच दे कम्मं च जोड़ेआ गोआ ऐ। एसआईटी गी एह निर्देश दित्ता गोआ ऐ जे ओह जांच सरबंधी ब्यौर, हफते दे जिला पुलस दे प्रमुख होरें गी जमा करोआन। शरूआती जांच च मारे गेदे लोके दे नमूने च जहरीले तत्वे यानि न्यूरो-टोक्सिन दे मजूद होने दी सारत थहोई ऐ। उआं इंदी अजे अगड़ी जांच कीती जा करदी ऐ तां जे मौते दी असल वजह दा पता लाया जाई सकै। तोआई इस बारे मीडिया कन्ने गल्ल करदे होई जम्मू कश्मीर दे मुख् सचिव अटल डुल्लू होरें आखेआ जे पुलसै इस मामले च अपराधिक षड्यंत्र दी जांच लेई इक बशेष टीम खडेरी ऐ।

<><><><><><>

Snow fall Vaishnou Devi

कटरा च त्रिकुटा पहाड़िएं पर स्थित श्री माता वैष्णो देवी जी दे तीर्थस्थान पर अज्ज बर्फबारी होई। पवित्र स्थान सने आले दोआले दिएं पहाड़िएं पर बर्फबारी कारण उत्थे नजारा बड़ा मनभावना बनी गोआ जिस करी होर मते सैलानी इत्त बक्खी आकर्शित होआ करदे न। श्री माता वैष्णो देवी श्राईन बोर्ड नै श्रद्धालुएं दी सुरक्षा ते सुविधा लेई सब्बै लोड़चदे बंदोबस्त जमीनी बनाए दे न। माता वैष्णो देवी जी दी यात्रा बवस्थित ढंगै नै चले करदी ऐ ते बोर्ड दे अधिकारी मौसम दे सूरतेहाल पर नेड़मी तक्क रखा करदे न। बोर्ड नै श्रद्धालुएं गी सलाह दित्ती ऐ जे ओह बड़ी मती ठंडु गी दिक्खदे होई गर्म टल्ले लान ते लोड़चदे दिशा-निर्देशे दी पालमा जकीनी बनान। मौसम दी स्थिति जानने ते यात्रा सरबंधी निर्देशे लेई श्रद्धालु श्राईन बोर्ड कन्ने राबता करी सकदे न।

<><><><><><>

Announcement (Must Carry)

आकाशवाणी जम्मू दे क्षेत्रोय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक, जेहदी उम 24 थवां 50एं बरें दे बश्कार ऐ, ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च द'ऊं बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज द अनुभव सने सरबंधत लोड़चदे उपकरणं वगैरा दा इस्तेमाल बी करना आना चाइदा। आवेदक जिला सदर दफतर दी 10 किलोमीटर दी हदद दे अंदर रांहदा होना चाइदा ऐ। दरखास्त ते लोड़चदे दस्तावेजं दी कॉपी, मेदवार गी क्षेत्रोय समाचार एकांश आकाशवाणी पंजतीर्थी जम्मू, पिन कोड 180001 पर 15 फरवरी 2025 थवां पैहले-पैहले आइयै दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

